

Zeitschrift: Le nouveau conteur vaudois et romand
Band: 87 (1960)
Heft: 10

Artikel: Dans les Amicales
Autor: [s.n.]
DOI: <https://doi.org/10.5169/seals-232000>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.01.2026

ETH-Bibliothek Zürich, E-Periodica, <https://www.e-periodica.ch>



Achinblyâye di patèjan d'la ruva drête d'la Charna

Apri Le Mouret è Trivô, teché ke lè brâve dzin d'Arkonkyi ché chon fê on dèvé dè no j'invità por chta dèrire rinkontra.

Ma por to vo dre, nothra chochiéta n'a pâ dè tsanthe por lè j'achinblâyè. La demeindze né tiendzè dè mé ly'avè on'orâdzo formidâblyô ke l'avi dza keminhvi vè lè tûin k'ârè.

Avui on momin dè rêtâ, no j'an aerâ ha vèlyâ dè dzouyo ou mitin d'ouna trintanna dè patèjan.

M. Gaby Gross, on dévouâ minbrô dou comité, l'avi bin organijâ ha rinkontra è ouna bouna partya di tsantre éthan di nouthrô.

M. Franthè Mouron, préjidan, l'a rêmârkya d'ithre vinyè è kemin ly'è prechke le momin no j'an tsanta la « Poya ». Du ke la chekrè-téra l'a j'ou yè le protocole y l'a rapèlâ le chovinyi di bon patèjan ke no j'an tyitha dre la dèrire rinkontra. In échprimin ché kondoléanthè, por ti hou brâvo y l'a fê ha pitita prèyire. « Chinte Mére nouthra Dona, ke din chi li mé dè mé tsakon vo prèyè avui mé dè dévouhyon, vinyidè a nouthron chékoua. Din chi pouro mondo, no chin ti choudzè a fère di pètze. Ma Dyû vouthron Fe l'a vèchâ chon chan chu la krê por no chovâ. Fédè ke pè la mijérikouârda dè Dyû lè j'armè dè ti lè trèpachâ chéyan in pé din vouthron bi paradi. »

Por rêbetâ le dzouyo chu ti lè vejâdzo lè tsantre l'an enbriyâ le bi payi ke l'a fê boun' imprèchyon.

M. le chindik l'a rênovaî le plyéji dè no réchyèdre din chon velâdzo chuto ke din ha kotze y l'an la bouna kothema dè vouêrdâ lè bi lingâdzo di j'anhyan.

Du chin Agnès Gross l'a tsanta in solo No no maryèrin chti l'outon è ti lè patèjan bayivan le rêfrin. No j'an onko oyu la Vèva dè Chenéde pè lè mimè vouè, ma lè dou j'inchéparâbblyô MM. Téro et Gross l'an bayi Lè j'adyu ou yantsè. Por no fère a rëkathâlâ ouna benda dè bounè volontâ l'an kontâ di fariboulè totè plye galéjè lè jenè tyè lè j'ôtrè. Lè j'ârè pachavan gaya rido è tota la vèlyâ lè j'èyudzô no hyirivan din la châla è lè j'éhyatâyè no fajan rêchoutâ. Ethè bin por ha kouja ke ly'avè pâ tan dè mondo a l'achinblyâye.

In kanpanye ly'è pâ tan kemoudo dè to léchi a la méjon, permo ke ly'a prou chovin di mâlâ pè le fu dou tin.

Apri ke l'an j'ou pacha on bi dzoa dè fitha a Ethavanin di brâvo patèjan kemin MM. Franthè Bourdyè, Piérô Chibô è Dzojè Gross chon vinyè no préjintâ on galé cherin d'la Grevire è to chin no j'a fè bin plyéji. Ha rinkontra l'a prê kemin bôtyè.

La choupâye tan bin tsantâye pè lè tsantre ke no rêmârhyin onko dè to kâ. In no chéparin no j'an déchidâ d'atindre ke no j'ochan fê la puchâye din ti lè velâdzo ke dèvon avè a kâ dè ché fère a répréjinta por bayi on non a nouthra chochiéta dè patèjan.

Maryéta Bongâ.

Dans les Amicales

Celle de *Chapelle-Porsel* a tenu séance dimanche après-midi au Café du Verger, avec une bonne trentaine de membres, dont plusieurs nouveaux. On discuta un peu longuement du but de la course d'été, la troisième déjà. Enfin on se décida pour le lac Noir et comme date on parla du dimanche 5 juin. Mais le comité en discutera encore. Tout fait prévoir qu'un car GFM sera bien garni pour cette randonnée.